

OBAVJEŠTENJE
o spisku medicinskih sredstava koja se mogu naći u slobodnoj prodaji za koja je data
saglasnost Agencije

U skladu sa članom 99. stav (5) Zakona o lijekovima i medicinskim sredstvima, i članom 11. stav (3) Pravilnika o proizvodnji i prometu na veliko medicinskim sredstvima ("Službeni glasnik BiH", broj 71/12), Agencija za lijekove i medicinska sredstva Bosne i Hercegovine na zvaničnoj web stranici, u meniju Registar medicinskih sredstava, objavljuje spisak medicinskih sredstava koja se mogu naći u slobodnoj prodaji odnosno i u drugim zatvorenim prodajnim mjestima u kojima se obavlja promet na malo u skladu sa propisima kojima se uređuje trgovina.

Naime, u skladu sa odredbama prednje navedenog zakona, za određene vrste medicinskih sredstava za koje prilikom izdavanja, odnosno prodaje nije potrebno dodatno pojašnjenje od strane stručnog lica odgovarajuće struke, mogu naći i u slobodnoj prodaji, (pored: zdravstvenih ustanova, bolničkih apoteka, apoteka i specijalizovanih prodavnica), odnosno i u drugim zatvorenim prodajnim mjestima u kojima se obavlja promet na malo u skladu s propisima kojima se uređuje trgovina.

S tim u vezi, obavještavamo vas da Agencija izdaje potvrde o registraciji medicinskih sredstava za sljedeće grupe medicinskih sredstava a koja se mogu prodavati i u slobodnoj prodaji:

1. Medicinska sredstva za inkontinenciju (pelene, ulošci, pelene gaćice, podmetači za krevet, mrežice/gaćice za fiksiranje uložaka)
2. Medicinski jastuci
3. Kondomi i intimni lubrikanti
4. Zaštitni flasteri (nesterilni)
5. Auto apoteke (prva pomoć za automobile)
6. Adhezivne kreme za zubne proteze i tablete za čišćenje zubnih proteza
7. Paste za smanjenje osjetljivosti i zaštitu zuba
8. Proizvodi za pomoć u dojenju
9. Nesterilne rukavice
10. Termofofor
11. Testovi za trudnoću za kućnu upotrebu
12. Testovi za ovulaciju za kućnu upotrebu
13. Vata za higijensku i sanitarnu namjenu
14. Dozator za lijekove
15. Medicinskim sredstvima za tretman gljivica na noktima i koži
16. Šamponi, sprejevi ili drugi proizvodi za odstranjivanje uši (mehaničkim putem, gušenjem ili dehidracijom parazita)
17. Flasteri i drugi proizvodi za pokrivanje herpes na usnama (isključivo mehanička zaštita)
18. Hladni sprej za površinsko hlađenje kože (farmakološki i metabolički neaktivan)

Napomena 1: Prednje navedena medicinska sredstva moraju biti označena na jednom od službenih jezika u Bosni i Hercegovini

Napomena 2: Agencija će, po potrebi, dopunjavati spisak grupa medicinskih sredstava, i za one grupe medicinskih sredstava koje ovdje nisu navedene, a za koje se ustanovi da je moguća i sigurna njihova prodaja i na drugim zatvorenim prodajnim mjestima u kojima se obavlja promet na malo u skladu sa propisima kojima se uređuje ta oblast.

Takođe, ovim putem skrećemo pažnju svim pravnim i fizičkim licima koja su ovlaštena za promet na veliko i/ili malo, kao i svim korisnicima medicinskih sredstava da su medicinska sredstva u skladu sa članom 99. stav (5) Zakona, prema mjestu i načinu izdavanja, razvrstana na:

- ✓ medicinska sredstva koja se izdaju na recept/ narudžbu samo u apotekama i specijalizovanim trgovinama,
- ✓ medicinska sredstva koja se izdaju bez recepta samo u apotekama i specijalizovanim trgovinama,
- ✓ medicinska sredstva koja se izdaju na recept/ narudžbu u bolničkim apotekama, te
- ✓ medicinska sredstva koja se nalaze u slobodnoj prodaji.